






10



Letsetse wa lebelo, le yo bohlale!

Serapana sa ka



Letsetse le be le dutše ka setu godimo ga tsebe ya Legotlwana le bogetše ge dikhunkwane di dutše di lwantšhana ... gape!


“Ke nna wa lebelo kudu,” gwa tsetsela Tšie.

“Ga go kgonege!” gwa duma Leponono.

“Bohle ba a tseba gore ke nna wa lebelo kudu.”

“Tlogela kua, ke nna wa lebelo kudu,” gwa bobola Nose.

“Phadišano,” gwa šišinya Letsetse. “A re beng le phadišano!”





Serapana se be se hlaka-hlakane ge dikhunkhwane
di ithapišetša phadišano e kgolo.

Nose e be e bobola go tloga letšobeng le
lengwe go ya go le lengwe e kgoboketša modula.


Bzzzz!

Tšie e itlwaetša go tshelela godimo.

Boinggg!

Leponono le akalala, le hlatloga le go phonkgelela.

Drrrrr!



Letšatši la phadišano la fihla!
Serapana se be se tletše go thakgala.
Bohle ba be ba tlile.

Gwa lla naka!

“Ke tšeo di tlogile ... Serurubele se etile pele ...,”
gwa goeletša Legokolodi.

Moruthwana a loma Serurubele.

“Gomme Moruthwana o etile pele. Gomme ke eng seo?”
gwa tšwela pele Legokolodi. “Nose o tlogetše phadišano!”

Nose e be e sa kgone go hlokomologa bolopi.

“Ba bapile mmogo ...
Moruthwana le Leponono go ya mafelelong a phadišano”,
lentšu la Legokolodi la theogela tlase.

Leponono a kgorometša Moruthwana.
Moruthwana le yena a mo kgorometša.
Kgorometša. Šuthiša. Thula!

Letsetse leo le bego le robetše ka tlase ga lephego la Leponono
la tsoga ka lebelo gomme la tshela gore le tšhabele ntwā ...
gomme la fofela mothalading wa go thopa!

“Yee!” gwa goeletša lešaba.

“Gomme mothopa-sefoka ke Letsetse,”
gwa goeletša Legokolodi.

